

豐縣志卷九

人物類上

列傳中

國朝

孫枝芮字季長事母孝壬午城陷四兄皆遇害芮獨守母
不去及被縛大呼曰殺我誰與養吾母也賊憐而釋之
既得脫撫諸兄遺孤續其乏嗣者迄今子姓繁庶皆芮
留之也

史垂鼎字公調邑庠生性豪爽喜交游爲人排難解紛不
遺餘力事母以孝聞

程應運字際五邑庠生幼孤事母曲盡孝養母疾甚號呼
籲天求以身代母病遂愈孝友之風鄉人化之

董昌年習儒業有膽力當順治年間湖寇小蠶豐北境多
被侵掠一日盜圍昌年父母於村中昌年自外聞難單
身馳救蹈刃而殞賊亦膽落撤圍去雙親終賴以生
邵陵字貞美邑諸生家寒素而事親獨豐友愛兄弟遇事
皆身任之相傳有還遺金事壽近百齡子孫蕃盛或亦
善人之報與

張漢字子儀邑諸生父弓爲人所害時明季刑法廢弛漢
寢戈枕塊勉讀書爲復仇地越十年天下既定乃泣血
鳴冤斃仇人於獄邑人壯其事多詩歌以美之

劉運昌字際平醇謹端方弱冠入庠後躋成均時稱長者

子源厚風采凝峻桐翰兼長領壬戌歲薦一時偉人皆樂與文字交

閻朴性儉素甘淡泊好讀書日坐臥小園中雖家無儋石而心有餘閒壽一百二歲

王星字應垣體貌修偉慈祥樂易不爲嚴厲由歲貢任靖海垣曲兩縣吏民感懷長子鼎庠生季子桃國學皆精岐黃之術賴其保全者甚衆次子梅預恩薦性好學耄而不倦司訓潛山以文行課士潛士至今思之

劉鴻達字翼九端方果毅尚氣節不輕然諾尤善汲引後進以明經鐸淮有政聲兩遷安東華亭諭以老告歸

孫日昂由貢授鹽城司訓陞太平諭甫數月卽自免還家
媵修自好兢兢尺度年五十連舉五子

王廷揚武舉嫺韜畧通陣法嘗將鄉勇數千衆而兵不譁流寇破蕭掠徐鋒甚烈當道取以守徐能以寡禦衆而意氣自若 國初有山東寇至前令閻任重之多所斬獲然恂恂雅飭有儒將風

渠燥布衣忍辱好施 國初江能容重修文廟燥捐金二百建文明樓有一老嫗訴燥燥含笑勸嫗安坐進茗粥曰久訴口燥也人稱其有長者之度孫鎡武孝廉慷慨能繩祖武且耽吟咏工行楷優游林泉以老識者尤服其高焉

朱家棟字中柱生平敦大節訓庭闈以綱常以故家庭中

多以節孝聞晚居冷雲別墅樂琴棋蒔松柏一時名彥
有耆英詩相贈年九十二強健如少年兩與賓筵相國
徐立齋曾爲文壽之人以爲榮

王行健字乾行弱冠卽以能文顯傳與同輩戲就武試試
卽售旣而學博揚奇其才使試文場試復冠軍緣父病
遂棄舉業專意奉養事繼母誠敬倍至與異母弟友愛
益深性和易鄉里稱之且方正不阿遇事敢言當胡令
時裁游夫之地以益聞夫用平爭訟是其建言力也晚
歲不履城市蒔花種竹以自娛年登大耋終子愷心奮
學能文領歲薦邑士半出其門洵稱克紹父志者

孫名世字明侯例貢生倜儻負氣節遇事明決有毅然獨
往之槩當 國初聞夫肆惡需索無藝辱及士類名世
奮然首事自備資斧倡衆籲憲殲厥罪魁惡風始息其
姊高孀居甥幼一切支持無不周至七子長學涑由貢
任教諭諸子多列青衫孫幃聯捷武闈

袁本厚字以載邑諸生丰骨峻峻不隨俗趨見有利弊切
民者務白而興除之闔邑倚爲干城稟性孝友與兄本
植同居數十年無間言

黃先行字言後邑庠生恂幅無華靜坐讀書足跡不出戶
善撫諸姪時稱其義

崔日衡字湘陵連雲子也嗜學不倦弱冠食餼恩拔後益
勵志下帷性孝父病禱於神願以身代已而果痊母早

逝事庶母甚恭待幼弟友愛深至嘗捐貲濟族人之不能婚與遠友之不能歸者考授州同知未仕卒子其正世其家

劉生龍字時見歲貢生養母以孝聞考授縣丞未選卒子湘字子瑟謙冲自下若不勝衣試輒冠軍晚益肆力於詩古文詞司訓霍邱遷丹陽諭陞太倉學正正己率士克稱厥職告歸時紳士多歌詩以送之彙爲鐸婁德音著有觀海樓集看花集蒼檜館諸詩

史垂誠字公浴歲貢生萬書少子垂憲弟也髫年孤立稍長能詩文爲人外圓內方閭族奉爲模楷姪孫辰武幼而孤教養成立子應掄孫維義咸以弱冠列名膠庠文

豐縣志

卷九 人物類上

四

列傳

行爲士林推服

張型字世章學問淵邃德行醇正教授生徒三十年膠庠士半出其門父鴻勛素以善人稱著有勸善文型曲體其志廣爲刊布愛弟基多方教訓相繼膺歲薦一時有兩難之目司訓居巢尋告歸卒於家基未仕死子鏐庠生詩才清健基子元振廩生耿直有守義所當爲雖害弗避俱中年早世士論惜之

張守義年五十跪受親杖與弟守禮並以孝友聞年近百歲矍鑠自如累舉鄉飲守禮亦爲直指秦公所旌壽八十九終守義子憲字益三歲貢生質厚器重教授生徒不專尚文字守禮子捷字月三由邑庠入成均質直端

方教督從弟憲嚴於師傅尤爲時論所稱

史應振字五若垂憲子幼聰敏好琴書行文朗秀試輒高等順治間開夫橫索民錢肆行凶惡振憤不顧身偕邑人孫名世等鳴之河憲始除其弊子維綱字因三武庠生孝友謙和骨肉無間言鄉黨多感效之享年九十五無病終厥嗣以丹復繼其志爲國學能以六行稱於其鄉

史應禎字元開貢生性開拓有智慮親族孤弱多所保全榆賊陷城突入其家以母老侍側不忍去賊義之並不加害長子維垣字晉侯孝友不苟言動入庠五十年無隻字投公門閭邑推爲長者季子維洛字申侯慷慨好

豐縣志

卷九

人物類上

五

列傳

施敦族誼婚喪間多所資助家居城鄉間族衆有以公事來者咸主之其好義尤爲無忝所生云

丁鶴鳴字子和歲貢爲人恬靜雅飭弟鵬鳴字子程亦歲薦爲人剛直不可屈撓一時有雙丁之目

張芳時字子佳盛治孫幼孤力學文名藉甚爲人謹飭端方里黨多矩步之以明經鐸黉甫至任病卒次子翅字六翮亦領歲薦以博學名

孫輝字旭如歲貢生尚訥孫父早逝事母盡孝與弟愚友愛篤至愚沒無嗣輝撫恤孀嫠以子廷棫嗣之生平喜讀書誘掖後進孜孜弗倦士林咸推重焉

史曰俞字汝翼邑庠生性方直不可干以私人有失輒正

顏以語之親族貧乏者周濟無吝色人畏其嚴正復樂其慈祥云

孫學海字谷宗操之子燦之孫也慷慨有祖父風人有以稱貸告者雖甚匱乏不之吝有田數十頃遇歲稔嘗親往收麥數日返無一麥歸家人問之曰親族貧乏者多已傾囊分給之矣約計麥千石餘其重義類如此好游交崑山徐立齋相國未遇時游豐嘗延致于家讀書三年相國甚德之及登臺鼎視海若嚴師然然海處之若素也至于立義塾以招來學修文廟以勸厥成人咸謂其好義樂施已三世矣子三長朝柱候選州同次朝柯邑諸生季朝構咸謹厚能承若考志而朝構先天云

豐縣志

卷九 人物類上

六

列傳

孫學洙字巨津拔貢生經術文章爲崑山相國所推事親以孝聞兄弟七人更相友愛家門雍睦聞者慕之兩任睢甯績溪儒學有善政載邑志解組歸閉戶讀書未嘗輕入城市尤喜獎勵後進有山東某游學至豐無所依洙親爲講授並厚資之迄賴以成後以子幃貴贈昭勇將軍季子朝樾字上冕入國學善奉二人歡其父尤愛之遇喪葬必誠必信勿使有悔修文廟竭力捐貲且躬親督理不辭勞瘁偶值鄉曲微嫌必極力解紛故人推爲長者現年八十二鏤鑠不衰嗣五任宣並登乙榜餘列膠庠孫十二遊泮者五人咸謂世德作求其食報正多云

李澤字克長增廣生嘉貞子性駿爽洒然塵表嘗讓千金之產於其姪人咸義之所交遊皆高人達士季弟澎字湛露邑諸生敬承父兄之訓恂恂謹飭子楹增廣生坦懷與物不立崕岍好詩古文辭遇忠孝大節多所闡發李澳字武修庠生澤仲弟也涵養深醇舉動有禮喜讀書千里延師以課其子長子樾聰敏能文早食餼事親以孝當澳歿時樾年近六旬哀毀過甚有馴雉之風次子樾亦廩生文名與兄並恂謹若處子溫厚和平鄉之鷲鷲者胥化焉

崔曰崕字眉山由庠生授至聖府典籍胸無芥蒂或橫逆加之恬如也年近六旬無嗣有妾數年不孕妻程氏復

豐縣志

卷九 人物類上

七

列傳

購一婢勸使納崕惻然曰子之有無命也安用多玷以滋予罪擇配遣之其原納妾遂連舉二子皆英器可謂得天之報云

蔣之賓字館卿邑諸生賦性忠厚然諾不欺終身克讓甯自屈抑鄉里悉稱之符令以愷史垂模旌之享年八十六孫擢篤厚有祖風

梁逢吉字臨白恂恂雅飭嗜學能文以恩選司鐸蒙城政聲藉甚

袁學儒字臨川業儒不售力穡自奉性儉約而喜施子鄉黨多資之婚媾喪祭尤藉德焉李侯戴侯延之賓席固辭不赴

朱燃字照璇弱冠食餼一時知名士多與之交復究心經濟凡禮樂兵農無不研精丁丑詔舉賢良方正不應會邑有小警與縣尉輩分守諸門嚴正無敢以戲言犯者閒爲詩歌以發抒胸中之氣日蒔花木與賓客嘯詠年八十餘終三子長靖字泰甫性孝遊泮後益閉戶讀書足跡不入公門次埏字尊葵邑庠生英風藻發好月旦嫂孀歲代徵輸遇母病輒禱求願以身代

馬越字子慕性質溫雅幼而能文與弟起同入武泮壬子戊午兄弟各占巍科晚年田園自樂處人以和士論益推重之子國珍士展名著橋門

謝文衡字彬揚邑庠生壯貌魁梧有勇略明季之亂一方

豐縣志

卷九

人物類上

八

列傳

恃爲保障輕財好施尤篤于天性兄弟六人其三弟文範早亡妻劉以弟文燦子瑄爲嗣當父病中分產一時亂命止與文燦而不與瑄瑄不安則劉不安矣文衡推己所有者讓之使劉得安而父心亦大慰他如還遺金助婚喪皆人所難能者享年九十三子姓繁盛名聞一時

王文宸字素如寄藉徐庠補增廣生天性孝友分產之日悉以豐產盡讓與弟有薛包之風孫瑗入庠克嗣青箱之業壽八十二終

史應甲字貞明邑庠生生平樂善好施嘗具藥餌棺木粥糜衣被之屬以濟貧乏者有孀姊家貧迎養于家誨姊

之子女如己出爲之婚嫁子辰武諸生事繼母以孝聞
孫以松亦入庠幹畧有爲闔族倚賴時稱三世同揆
史應宿字中朗忼爽好義以庠生効力河漕時聞夫爲邑
中苦累宿多方維持刁風始息子維量字與衡候選州
同慷慨似其父而謹厚尤甚以惠及人終無德色方擬
創修宗祠家譜而病彌留時猶諄諄囑其子以博終能
成厥志云

楊繼修早孤育于兄生員繼胤後河患橫決水退見父坟
湮夷大慟失聲手掬土而封築之山東歲祲有長青人
遺金於道繼修檢獲隔日還之晚應賓席子楓宸字輔
聖邑庠生好義急公性益耿介

豐縣志

卷九 人物類上

九 列傳

劉運魁字際可性慷慨廣交遊時爲里人解紛排難有國
士風嘗有人鬻一女于魁得十金去旣而願問知爲人
所給卽訪明女家歸之其好義類此

董長齡字鶴年考授州同知前鴻臚寺少卿令矩子也事
繼母以孝稱待幼弟松齡盡友愛宗族中多待以舉火
者晚善草書風骨迻勁邑人張觀生極稱之

渠家坊字廷表讀書典洽丰姿玉標父兄早喪門祔衰薄
坊甫冲齡才識過人卽爲邑人推服親族孀孤者多所
依賴家門復振子七次鈞字汝重由明經選宿松訓導
辭不就職性端方難干以非義前令王最敬禮之聘修
邑乘孝友爲一家表帥季鑄字汝器承叔家陞嗣陞饒

於貲錫悉均分諸昆無所私尤爲世人所難至孫珩增
生父病衣不解帶者三年以孝子稱邑中咸謂渠氏多
家法云

渠家圻字世郊孝友醇厚父老病圻晨昏視湯藥遺垢必
躬自澣濯歷數年無倦色與兄弟友愛財物從無私遇
談人過失者卽閉口不語子鎔鉅咸領歲薦是時邑中
文風頗盛而渠氏爲首然論白眉則必稱二渠云孫國
瓌國玠亦邑庠

渠家聖字廷垣父焜殉壬午之難聖事母舉孝行弟家垣
字廷獻邑庠生與人交不輕然諾因友人事累亡其產
無怨言卒以勤儉復興其家家聖字廷則太學生扶孤
濟困人尤賴之垣之子鑰字黃公辛酉武舉行事有乃
父風一時稱爲肖子

史龍光字物華邑庠生奉繼母色養兼盡遇窮乏者周之
無吝色亦無德色時聞夫地丁諸役極爲豐累光商於
河憲始除之子應選幹濟有爲善事親人嘗稱其能養
志云

李修己字伯敬邑廩生爲人曠達不羈幼而好學以文名
中年善病竟以青衿終子廷桂孫嵩齡稟異姿遊庠皆
不克終其年時人惜之

甯廷鈞字爾石幼孤無期功親能立身保業錚錚庠序間
遇里黨有歆側輒爲持其平人咸服之子宗淹爲諸生

以孝友聞宗汾武舉孫作模曾孫煥俱諸生有家法

金奇生字君常邑庠生壬午之變賊執其父將射殺之奇生藐然孩童也數以身翼父引弓者惻然不忍遂得保全後父歿事繼母益以孝聞子廷翼膺歲薦司訓穎上孫嗣珩文藝器識邑人推重病目不仕士論惜之

蔣賓墀字拱宸邑庠生沉靜寡言笑家雖素封崇尚儉朴當壬午城陷獨能擲重貲以全家可謂明哲有爲者矣張鵬翥邑諸生字扶搏敦厚周慎與人無競撫孤濟貧遠邇稱之

史濬字齊美性方正不喜干謁居城市若山林敦睦宗族其從兄曰俞死濬代持其門戶使兄子得肆力於學以至有成

豐縣志

卷九 人物類上

十一

列傳

董其正字子正邑諸生幼喪怙恃與後母張相依家貧授徒供養罔缺值遠館必朔望歸省風雨無間待異母弟友愛篤至課子孫素嚴切然一遇母至雖值盛怒卽改顏以承張年九十有六及臥病躬侍湯藥衣不解帶者三月母歿匍匐嘔血雞骨支牀旣葬廬于墓側負土成墳王令欲表揚之正堅辭不果四子俶份伊皆食餼孫泰初亦庠生雍雍一門咸以爲純孝之報云

劉漢字成六朴貌古心苦行力學補弟子員教子振虬有文名食餼膠庠

季之翰字仲申號羽菴性好讀書不事舉子業幼有詩癖

遇物題詠動成卷帙坐斗室中時摹鍾繇法帖遊覽最廣而足不履勢利之門好飲酒數斗不醉與之語道理論古今高談可驚四座勸善規過直言無隱人之喜怒弗計也卒老于風塵鮮有能知之者其家近白駒山因自號白駒山樵所著詩集甚多

渠壹字君式戊戌科武進士不修邊幅胸無城府人有侮者不之較任大同府助馬路守備秋毫不妄取軍民安之罷官後貧甚同郡雁平道張道祥助之始得歸優游林泉幾二十載人號之曰悠老壹亦自署其堂曰悠齋孫師武字汝驤原名超材勇絕世好讀書能詩賦方弱冠奪幟南闈後以他事挂累迨事白壬子歲始更今名癸

豐縣志

卷九

人物類上

十二 列傳

丑遂聯捷兩任守備陞遊擊誥封明威將軍著有屯田方畧人方之趙營平云父捷遇壬午難後贈如其官

皇甫補袞字君遴庠生爲人敦厚醇謹不輕然諾有園亭依郭外每花晨月夕輒與騷人韻士把酒翛然有世外之樂

穆原振字振公幼聰敏童子時卽見賞於魯瞻何公由膠庠觀橋門文名藉甚然恬雅宜人以醇謹見重鄉里間孫愚字古直邑廩生少孤衣食惟兒所命不以一錢自私長尤篤信袁氏學每月終以功過焚於天寶志早卒識者痛之

張鴻臣少食貧先人遺田百畝悉推予二弟後自置產復

割給之好勸人以善日持太上感應篇爲人誦說多有聞而改行者縣令延以賓飲力辭乃止

李涵虛字受之少業儒不售然不少挫日漁獵墳史窮年著書老而彌篤藏書甚富多人所未見者一生純學士林交推

李衛字又玠世居豐縣寄籍銅山生而異香繞室脅骨三輪鼻孔中通狀貌瓌瑋殊衆及長才氣橫逸讀書不求甚解尤銳意經世之務以國子生就選兵部武選司員外郎賄請不行陞戶部廣西司郎中舊日陋規毫不染指山西饑從都御史朱軾往賑悉心籌畫全活無算事竣朱以才能敏幹操守清廉薦授直隸巡道旋撫臣題保留任雍正元年授雲南驛鹽道以母老辭

豐縣志

卷九

人物類上

十三

劉傳

上諭朕新政萬里外巖疆重地無信任者慎勿辭行召爾矣
陛辭請 訓勉以澄清吏治釐剔陋規本省及外省事
件各官賢否有所聞見許不時奏 聞抵滇卽詳查鹽
務數十年積弊爲之廓清凡有建立無不據實陳 奏
奉 硃批爾爲人剛直居心蒞事忠誠勤敏朕所深知
覽所 奏數摺實一片血誠毫無顧忌且其中分析款
項井井有條甚屬可嘉殊不負朕一番識拔欽此旋陞
雲南布政使仍管鹽驛兼管銅廠時有魯魁山苗衆抄
掠爲民害請於制府親統兵擒撫不三月奏捷三年
命巡撫浙江 賜花翎復親灑宸翰永錫康寧四大字

及參貂文綺俾爲母壽至則竭力整頓綱紀肅然吏治
大清時鹽務海塘俱歸兼理所興革利弊不能殫述更
爲紓南米賄墊轉派之累請丈錢江漲沙起科以抵仁
錢兩邑攤賠丁額隨事規畫所向風行又行順庄均田
役法革數百年里書畜甲之弊豪滑無所容而逋賦頓
清動帑金三十萬糴米蜀中分發諸州縣常平倉之缺
額者餘貯省城永濟倉以備平糶適奉截南漕以資閩
省之命衛請卽以所存川米資之不待徵漕而事集繼
又因淮宿水災請以餘米轉輸平糶咸報可丁未晉階
總督管巡撫事仍兼鹽務並管理江蘓七府五州督捕
事前此未有也公素嫻武藝每操練軍士秉鉞登壇指

豐縣志

卷九

人物類上

十四 列傳

揮如意軍容大振江洋間多巨盜廉得其姓名居址潛
遣兵役躡之無得脫者他盜有發輒獲從此東南數千
里無盜警又疏西湖淤塞以資灌溉築城玉環山聽民
耕種以重海疆又於乍浦設立水師營改設叅將數十
年來邊海巖疆微波不興乍浦爲東洋出口要區各省
辦銅商艘絡繹日本酋目挾貨居奇乃告諭以 天朝
德威法度倭聞懾服以故銅額無缺督催南北海三關
減費恤商嚴禁苛索北關則例輕重每至混淆乃取百
貨親加衡量酌定比例之則 題請刊立木榜樹之關
前奉爲成例設敷文書院延師掌教時親與諸生講明
立身行己之道讀書經世之方聞者莫不奮興一時號

稱極盛在浙六年銳意振興百廢具舉浙人大悅七年
入覲 賜尚方珍饈 命遊覽御園遣工圖形留貯
內府晉階兵部尚書回任丁母憂 命在任守制給假
葬親又差大臣赴家致祭衛具疏終喪 溫旨慰留尋
加太子少保九年再入朝 命在軍機處行走乘馬入
紫禁城又 命教習勇健兵丁旋署刑部尚書每日批
閱堂稿頃刻裁決數年積案無停滯者在部四十三日
命爲直隸總督合省提鎮悉受節制乃親馳塞外周覽
邊防足軍實練武藝所在皆成勁旅請復設大名兵備
道以重彈壓復請以巡道事務歸各河道執掌屬員有
廉幹而因公罣誤者請予錄用劾去其貪懦吏賞罰嚴

豐縣志

卷九

人物類上

十五 列傳

明人皆奮起凡遇郡邑定擬招案必反復推究人以不
寃畿南飛賊積窩密訪捕戮咸稱神明更捐養廉以益
書院諸生膏火其措置不異在浙時乾隆元年 命兼
管直隸總河周歷永定河及運河海口條上應修濬者
報可二年畿輔少雨奏請停徵減糶留漕貯報等事
詔卽施行秋大水三年復苦雨連遇歉歲衛賑濟有方
民賴不饑是年十月以積勞成疾奏請回籍調理蒙
恩俞允遣太醫馳驛診視二十一日差二等侍衛賈陀
羅經被以 賜尚欲強起謝 恩二十二日病革握子
星垣等曰努力報効遂瞑而逝年五十有一
上聞之震惜言衛累任封疆實心辦事勇往直前無所瞻

顧遺內大臣往奠喪還 命所過郡縣有司奠醊護送
賜謚敏達五年 詔祀賢良祠子五長星垣丙辰武進
士一甲第三人 御前二等侍衛現任陝西漢中城守
營副將嗣兄衡後星聚廕生現任興全永道星照戊午
副榜星曜附監生現任同州府知府星福未仕咸幹濟
有爲能繼家聲

史慧振字慧美諸生選厚子孝友溫恭無疾言遽色然和
而介嘗有富人持千金干以非義終不許弟駢振字駢
美亦邑庠貫通性理尤精于易事親有萊氏風及其教
人也方正寅畏嚴而有禮故學者以兩程子目之慧振
子玦字右佩事繼母以孝聞叔駢振老而孤玦以姪代

豐縣志

卷九

人物類上

十六

列傳

子無少懈家貧遇任郵事必力襄其成修族譜尤著勤
勞雖文學不足而孝悌之行能繼諸父鄉黨重之

孫學濤字希山太學生學洙胞弟才猷幹練視公事如家
事康熙季年閹夫爲累比戶不甯濤呼籲各憲得隨條
銀起解至今安堵且雅好道義樂育人才睦宗族恤鄰
里沒後猶有悲思之者長子楷邑庠生亦倜儻有父風
董去競字無競立行端方家庭雍睦且處人以和不苟然
諾至於家法謹嚴子姪多列庠序尤爲鄉里所推

孫三元字俊文日昂孫文學堦輔子也幼英嶷十二通諸
史有座客談古事未詳元從傍陳說條貫秩然稍長餽
於庠性喜吟詠凡風雅諸體無不刻苦摹擬著有沉咏

堂詩鈔中年復潛心經史務求義理旨歸治亂得失之要前令王欲識之無由也會公事出止元舍傍蘭若始得見起居畢卽長揖退王嗟歎而已甲辰舉孝廉邑侯廣文咸以元薦會元自金陵歸驚曰有其事分也無實而文之以名辱也士固惡夫欺世而盜名者力辭乃寢聞者益重其品

李孝字乾一性謹慎遇人以誠鄉黨推爲長者且自奉儉約而施與無吝人益重之卒年八十三

史夢鯉字聞南曰俞季子也磊落光明卓越不凡嘗自誦曰士先器識而後文藝其爲文皆根柢性理經史一洗時下浮華試輒冠軍咸以公輔相推而僅食餼以歿士

豐縣志

卷九

人物類士

十七 列傳

論惜之尤善汲引後學故遊其門者多善士如史鵬翼之德行陳錡之文學其尤著也歿時年五十四二子以張以慶皆幼妻梁氏賢而知禮人擬之歐陽母故卒能教養有成以文行世其家爲邑人所首推云

李甘霖字皆沾 恩貢生制行狷介不染俗弊且詩文兼善一時從學弟子咸有蘇湖教授風

李滌性孝友饒勇畧尤以剛直聞乙卯中式武闈子孫多入庠序登乙榜者

李渥字純錫候選州同事母以孝事兄以恭兩弟在孩提渥友愛備至及長爲延師教訓入庠序皆渥之力也有叔祖貧而孤渥爲之娶妾生一子復給地以贍之子相

字梓友亦候選州同能繼父志弱冠入泮因繼母老不求仕進且慷慨好施值歲歉減價平糶千有餘石與人交忠誠篤摯教子孫謙退有守以壽終

李沛國學生輕財好義歲饑沛出糧平糶多所存活朱令給匾旌之

趙紀字子條邑諸生豪爽好義如徐屬五邑學憲素不案臨士子羣赴淮安考試往返千里且黃河險阻風濤巨測紀糾同志陳請於大中丞張公言辭愷切始允其請邑士便之實紀首倡之力也壽八十二終孫二壹二襄俱有聲庠序

史維岐貢生九歲居母喪哀毀過禮繼母張遇之嚴維岐

豐縣志

卷九

人物類上

六

列傳

趨承彌謹張感其孝遂加愛焉性好施凡族之不能婚喪及老幼無依者皆周恤之親戚子弟貧不能學者招之來學嘗鬻田以修學宮雍正八年歲荒河工督民辦料甚急維岐力請王令聞於上官得免邑人多懷其德子鵬翼字扶萬諸生謙約節儉人擬之龍伯高母病不解帶者數年如一日前令舉孝廉固辭後又舉不得已乃就自奉省約遇公事毫不吝惜乾隆十一年河工復有辦料之役鵬翼與族弟以張倡義力陳其事于當事始免學宮之修獨捐百金復助灰木之不給者且時出酒食以犒匠役至今人常稱其是父是子云

高元玘字都生歲貢生事親孝敬備至且誠于祭祀嚴舉

止動靜一遵禮法雅善文字多合古意趙庄里素有商稅民甚苦之玃上書前令除之女適朱以殉節聞

孫學湘字陵源太學生事親維謹居喪哀毀盡禮事二兄雖老不倦兄歿撫諸姪恩義兼至姊家貧餽養終身及甥之世無至饑寒且鄉黨中待以舉火者甚衆親族有就學其家者並資膳養生平非至戚喪葬事未嘗出門年七十四歿歿之日遠近哀之子朝需太學生恪守家訓邑人咸稱其有世德焉

高恭字元福歲貢生孝友無間兄弟中多所推讓善詩文尤善啓廸邑之能詩文者多出其門

高元璠字貞菴國學性慎恪儉而有禮文廟之修捐銀二百五十兩乾隆十一年碭民叛料爲邑累璠與史以張孫恒謝國棟僇力同心殫財竭力始得免邑人德之

李特字懋修少孤貧事母孝母病目失明特年十六力不能延醫每夜泣涕禱天晨起漱口跪扶其母以舌砥之不三月母目復明母歿廬墓三年讀書不求仕進卒年九十三叔子食餼郡中諸孫多文學

孫珍字碧玉性孝竭力色養父母亡每一念至涕如雨零生平與人無爭廣施藥餌以濟人子汝鎗汝載皆廩生張秉衡字岐南幼勤讀孝親試輒冠其曹雍正己酉舉於鄉爲人坦易不立雌岍人有爭執一語立解指授後學多所成名子暄字孟煦廩生舉止有父風聘李氏未娶

而瞽岳家慮其非偶意欲却聘瞽堅持不可遂娶之岳家復贈一婢瞽亦不受李亦有賢行一時人稱佳偶云李述字撰菴候選縣丞淳朴有古風嘗衣食人而無驕色前令魏在任時無公事未常輕至及罷職寄居豐邑困甚迷終歲餽粟十餘年無異識者重之

陳錡字翼唐拔貢生性孝友甘旨之奉雖極窮窘未嘗少缺兄弟三解衣推食至老彌篤生平館穀所入悉付二弟無所私嘗際歲荒自學舍歸見二弟衣服單寒不勝心痛卽解已衣分衣之且立行端方洞悉世故而無迂疎拘滯之陋自幼篤志嗜學稍長以文名試輒冠軍晚年益進于古嘗以大家自命至今郡中論制義者未嘗

豐縣志

卷九

人物類上

三

列傳

不首屈翼唐云

孫幃字翊宸廣文學洙第三子丙戌武進士歷任江西文英營守備嫻韜畧整飭營伍凡營中陋規一概革除故宦遊五載而囊橐蕭然時高堂具慶屢請終養不得及聞訃哀毀過情未幾卒于官櫬歸哭送者幾塞道子三長吳武進士仲觀季巖並諸生吳字時菴戊子己丑連捷任福建汀州鎮中營守備務爲安靜不事更張上憲廉其能屢調繁鎮漸陞遊擊綜理訓練爲閩省冠乾隆二年調山東登州鎮遊擊在在有聲且性廉介有父風告假歸以詩酒自娛後遭母喪服闋不仕

蘇毓琦字醉白邑廩生天性醇厚與物無競少貧困苦讀

書館穀所入諸弟多賴之教諸生多所成就子自牧字
朴菴庠生河料之免亦與有力焉

于楠字伯杻王子科舉人忠厚儉朴孜孜好學於制藝尤
有會心故名登乙榜士林藉藉有聲

史雲翼字賓需諸生父母昆弟咸稱其孝喜爲人排難解
紛鄉黨賴之尤篤于族誼凡不能冠婚喪祭者輸財無
所惜子嗣魚克守父訓以清白世其家

李巡字省菴貢生勤儉起家性醇謹好施與嘗捐銀四百
兩以修學宮乾隆二十年歲饑巡出銀八百兩捐賑以
贍鄉里古所稱義民者于巡有焉子本沃本澍俱貢生
鄭允恭字克謙父娶後妻而憎恭恭率其妻敦行孝道無

豐縣志

卷九

人物類上

二十三 列傳

不至卒能感愧爲慈母由是鄉黨無間言累舉孝廉皆
固辭不就及分產允恭獨取其薄給諸異母弟皆豐厚
尤人所難

謝璐字卞嘉性孝奉親色養旣葬之後哀慕益切居鄰清
水河潦則橫亘無津涉者苦之璐捐重貲建萬年橋以
濟人至于設義學修家譜尤族人之所嘖嘖者子國棟
由邑庠授奉政大夫後知石門縣事有政聲歸里後躬
課耕讀家政肅然鄉里多式爲家法焉

列傳下

渠振聲字裕昆好善樂施親族婚喪力窘者資助之嘉慶中歲大饑康莊張氏之族因田與振聲接壤賤值求售不許悉助以數月糧大小全活百餘人及送償不受並焚其券邑令勸輸資增修書院遂慨捐百餘金爲閭邑倡事載碑記卒年八十有四

丁士禮字維中嘉慶十八年歲饑鄰人王某餓將死士禮憐而衣食之雇爲傭數年代積錢百餘緡娶妻遣還友某乞於門士禮延入厚款之並贈以粟家賴以存鄰里咸稱其義卒年七十有四

趙金生字東江邑廩膳生員幼敏悟讀書能通大義甫弱

豐縣志

卷九

人物類上

列傳

冠博學能文以通經稽古爲務不屑屑於時趨父亦名諸生晚歲失明金生與其弟資生艮生以詩文佐菽水父子兄弟相師友性慷慨喜氣誼卒以宗人訟事忤同邑豪貴中以罪遣戍黑龍江十餘年遇赦歸卒於家家居著有菽水集文稿在戍所有海北集俱藏稿於家

李維真字培誠太學生意度恢廓喜周貧乏力不給約鄰里爲善堂會施衣施棺恤生及死若死無主各自斃村落者由會報官驗明衣履年貌有無傷痕官存案會存冊給棺殮埋標識其墳以待認領而田主得免牽累公私稱便咸豐戊午皖匪陷城賊去城無完堞邑令陳集紳耆會議勸諭輸資修葺咸以工鉅難之卽倡捐百金

剋日鳩工衆踴躍歲餘聚金得五六萬城完而守備亦裕復捐楊木數十株建置四門木橋用以便出入嚴守禦而縣城屹爲巖鎮賊平官爲上請議敘五品銜 賞戴藍翎卒年七十有九子二長運甲候選州同知次運昌癸酉舉人孫爲標保舉都司銜爲樸爲棠曾孫善葆俱弱冠入庠議者謂其培植獨深云

渠貞一字蘊之附貢生鄉居以孝義稱親有疾晨昏奉侍湯藥數年無倦容咸豐七年春大饑斗米錢二千餘里人以田房減價求售悉周其急反其券不責償焉卒年七十有五以子候選同知錫麟 誥封奉政大夫

李維洛字景文候補衛千總咸豐八年秋皖匪大至率鄉團入守北門城陷與姪滋昌滋芹同遇害

溫善長字謙益諸生家貧授徒代耕性嚴毅氣沉貌肅言動不苟在塾講論之暇展卷靜對終日端坐及門未嘗見其謔笑竊比之包孝肅云

王建清邑西附郭人也性慤直膂力絕人然至孝勇於爲義邑東境有山曰小華里媪結社登山賽神母欲往苦無車馬建清乃借人短轆車載母而自駕之往返七十里日未暮先衆抵家附郭多義塚時值祭掃必荷甬巡行見無人修治者輒爲之芟草附土焚紙錢焉或笑之不顧也郭西南路值通衢苦卑溼夏秋霖潦恒水深一二尺建清病焉取土高阜自築凸之實備於藁晨往而

暮歸數月竟成孔道生平目不識丁而鄉里咸稱善人
壽七十餘微疾而終

周培蘭字芝堂幼穎異一應童子試不售改而肄武申道
光丁酉科鄉魁會試報罷仍舌耕自贍而書法特工咸
豐戊午皖匪陷城率守陴者巷戰力竭被執不屈遂遇
害

渠金模字鐵珊居城北中田砦少習拳勇以豪壯自許咸
豐八九年皖匪頻擾每約敢死數十人據險邀擊賊馬
皆迂道避十一年春賊大至砦外游騎如織金模奮曰
吾砦小而賊眾非戰恐不能守先眾出匹馬突陣步隊
接應不相及遂遇害

豐縣志

卷九

人物類上

三

列傳

張盤張鳳梧張厚書均以戰賊被殺

邱尊謙一名安邦字益亭生於沛縣之邱家集遷居縣北
之賈家庄遂家焉幼趨健長習拳勇力敵數十人性豪
爽喜任俠赴人急難湯火不辭居近湖團團中莠民時
出焚掠意圖侵佔豐境熟田尊謙不平糾率附近各圩
屢擊卻之時盱眙吳勤惠公觀察徐海聞其名召置轅
下授以把總命爲哨長未幾皖匪擾徐列陣郡北亘十
餘里守陴者失色尊謙卽率敢死數十人開門突出揮
大刀奮呼奔入縱橫決盪立斬數悍賊貫首於槩奪其
旗而舞賊驚卻向晚席卷去吳大喜特保免補把總以
守備陞用 賞戴藍翎郡東北有黑山砦土匪劉平聚

眾據之鎮道督兵徑勦賊數萬蜂擁逆戰官兵不滿三千有懼色尊謙大呼曰賊雖眾烏合耳但嚴陣觀吾先挫其鋒大眾乘之必奔潰矣時賊炮雷迸鉛丸散落如急雨乃令一人執旗進自提刀偃僕隨之將及賊陣執旗者中炮仆乃拾旗自執奮身跳入斬然炮者揮刀一呼我軍皆奮左右衝擊賊大崩追殺至十塘寨賊闖入死守十餘日攻拔之賊平以首功優敘免補守備遇缺儘先都司加參將銜 賞換花翎嗣奉憲檄調赴淮軍隨同劉省三爵帥勦賊山東屢以先登陷陣蒙優保及軍務肅清特 旨以提督記名遇缺簡放總鎮並 賞銳勇巴圖魯名號數年積勞成疾請假回籍就醫卒於家

豐縣志

卷九

人物類上

四

周兆鳳字儀庭邑廩膳生員素績學精岐黃業而以孝友著子毓堂字蘭軒邑庠生耿介自持性耽吟詠所著詩集甚富孫韻珊字石農國學生以善書名

張學武業補履母李氏壽一百五歲目失明學武旦夕得甘旨必手進之而已或不飽

李敬修字惺甫恩貢生性真樸不逐時趨一生教授鄉里門下多知名士所著有感事詩芸窗隨筆各一卷尤工真草書得者皆珍藏之弟敬思府學歲貢生子蔭莪邑庠生蔭苓郡廩膳生

董存型太學生咸豐元年豐大水人多遷避存型因父母未葬獨不去未幾水暴長鄰里咸勸之行答曰舍親而

去縱得生何以爲人後村人去盡與妻鞏氏朝夕守視
事死如生二年八月絕糧而亡人往視之存型屍在親
柩左鞏氏屍在親柩右親族皆悼惜之

董存惠存型之族學問淹通性情孤介咸豐初因河決他
徙凍餒不受人憐敝廬僵卧數日而殞人推爲固窮之
士

李秉均居昭勇寨咸豐十一年冬皖匪圍攻秉均率衆出
擊與族人李金襄李三殿李迎春鄰人崔錫印同力戰
死

李際雍字慶時歲貢生候選訓導績學能文造就多士咸
豐末皖匪熾佐官府籌辦團防屹然一方保障

豐縣志

卷九

人物類上

五

卜維茂邑諸生疏財好義乾隆六十年捐重資監修文廟
事載碑記

劉學詩太學生心地篤實一生無忿怒色壽九十四無疾
而終

卜振采字素存邑庠生幼工書至老弗倦終年九十有六
郭耀先字光祖從九品家素豐輕財好義咸豐初歲屢凶
鄉里困乏者多賴以濟壽八十終

霍懋學字時勉廩膳生員除應儒學月課四十餘年足跡
未嘗入官府

霍本仁字體元廩貢生幼篤學有志躬行歷水災兵災艱
險萬狀而志氣不沮晚精醫益廣仁術

梁韞貝字珍堂號若涯道光丙戌歲貢生戊子吏部考驗
候選訓導著有四書正音五經正音詩經集義分國左
傳古今略等書

劉夢桃邑庠生父卧病皖匪突至父速之去夢桃不忍匪
羣集將殺其父號泣請代一悍賊躍出曰此孝子也無
違其意揮刃斷其喉而父果免官府上其事奉 旨入
祀忠義祠

卜揚翮從九品咸豐八年皖匪至率鄉團禦賊力竭而死
孫芳齡字蘭新號馨圃邑廩膳生員幼穎異讀書目數行
下既長湛深經術尤精易理熟史鑑以母老不忍離遂
絕意進取生事焚祭竭誠盡禮仲弟松齡邁狂疾委曲

豐縣志

卷九

人物類上

六

開導疾瘳入邑庠季弟仙齡早逝遺孤二悉範以軌物
俾不墜家聲年逾強仕無子晚生子蔚山工書法入邑
庠人謂孝友之報云

卜爲珍字待聘品端養粹現年八十有二蒙學憲楊襄以
耆德引年匾額子華光入邑庠

于立木字體仁邑增生心平氣和一生無疾言遽色學憲
林襄以粹里模範匾額卒年八十四

韓太元從九品職素篤孝同治四年九月皖匪至眾奔入
寨其父麟輝被掠縛至寨外索財令贖無則殺之太元
度力不辦縋而出求代父死賊釋其父而挺矛擬太元
太元泣曰父已生身死何惜但不得終養有遺憾耳賊

義之弗殺而無所得則必不舍鄰人于作惠奮然往說與之馬二匹鞍四具遂並釋太元聞者莫不感太元之孝而欽作惠之義

劉蘊嶺字梅嵐國學生性情肫至篤於骨肉四姊早歿遺一女方六歲撫而嫁之二姊沒於水家無以殮獨任棺衾資族人某強占宅基眾不平欲相口角怡然讓之弗校也壽八十終子四長振開職員次振武從九品次振凝儒生次振名議敘六品銜孫伯藩邑庠生皆恪守庭訓勤遵禮法

陳于上歲貢生幼穎悟稱神童年十五入泮旋食廩餼文如風搆稿成不易一字雖績學不如遠近成立之士多出其門性高潔淡於榮利足跡不入城市博通經史尤精理學兼精岐黃晚著四書釋醫宗易知錄鈔板行世卜允昭字履廷讀書精醫輕財好義道光二十八年鄰里公舉行義邑侯朱詳請以鄉飲介賓給照注册賜八品銜子馨一邑庠生有聲庠序

李瑞裁原名兆吉以字行邑廩生家素裕不治生而喜施襦袴藥餌歲費多金無吝色假貸者不能償未嘗索也晚歲家漸落授徒自贍咸豐初避水入城八年秋皖匪至城陷被掠者十餘人賊徧施箠撻要其賂贖獨於瑞裁禮待之至晚遣人護送安行抵家咸以爲積善之報蔣惺甫邑增生利普之子同治四年皖匪擾豐被掠以刃

脅降不屈死

孫兆魁邑武生咸豐八年秋皖匪陷城生助守南門力戰死

劉愚字景柴歲貢生選授安東縣教諭精於爲文一宗理法而不屑屑於時趨故屢試未第秉鐸後實心課徒任滿歸家以講學終

劉城字成玉太學生豪爽好施親族有不善皆恐聞知生平無疾言遽色而里黨中爭端訟端所至立息子二長蘊嶺以督辦團練保衛鄉里獎授五品銜次蘊岱亦端方自矢孫曾林立俱不墜家法云

劉灼字俊三道光乙巳歲貢生力務正學文以理法清真

豐縣志

卷九

人物類上

八

爲宗嘗語人曰讀書之功非從實行體驗無由入也經史而外若性理近思錄小學諸書皆講明切究之孝友出於天性皆能見諸實事旣歿闕里舉人孔憲鈺遠弔其墓哭以詩云蓮出淤泥周茂叔草留書帶鄭康成其生平概可想見

渠曰仁字秉彝揮霍好施遇事直言無隱鄉里貧不能婚喪者出資助之三子宗純遊太學和平友愛析產悉推讓諸兄尤有渾厚風

渠昶字陽泰太學生性勤儉邑有義舉則踴躍爭先增修樂育館纂修族譜皆出重貲爲首倡子四長元彩候選千總次元善又次興邦俱入武庠四元智候選州同皖

逆倡亂修築土圩屹然一方保障

卜爲霖字作雨性質樸樂善好施同治初買一婢人童養媳也後聞母家索女與夫家構訟乃召而還之兩家感泣訟立解鄉里重其品公舉鄉飲介賓學憲彭旌以梓里儀型匾額子三長業先邑庠生次業勤樸實務農三鳴山廩貢生孫斯美邑庠生斯華廩膳生員

趙一貞歲貢生存心忠厚咸豐中皖匪擾登州趙氏女被掠逃出一貞收養若已女數年送還其家鄉里稱焉

李大木性至孝居常閉戶讀書鄰里罕識其面有逸士風朱自謙字利撝號益庵邑庠生性清高寡交游以詞賦自娛著有扮榆社詩稿

豐縣志

卷九

人物類上

九

高慎五字敬典號柘村附貢生慷慨負節義鄉里仰若坊表

傅運昌字勤華邑庠生坦安子母孫氏家法嚴明教子言動不苟運昌亦克自奮勵家貧然荻照讀未冠博通羣籍制藝尤長太守于滄來先生重其學行時頒束帛之賜年二十六由拔貢舉於鄉名著淮徐一時稱偉器惜未及艾而卒子吉常於咸豐四年粵逆陷城殉節入祀忠義祠

傅夢弼字吉士太學生運昇子早入武庠復以捐貲修城議敘衛守備銜樸誠好義人有紛爭力爲排解同治間大霖雨入市者乘舟閣邑欲順流鑿河洩蓄潦不得請

弼首稟道憲卒成其功年五十八卒子二長麟風中年
亡遺孤振國武庠生次麟閣劄貢生嗣吉常以孝謹聞
張麟瑞字獻圖武生剛直有至行咸豐初粵匪擾父母柩
在堂村人悉避瑞伏苦塊獨不去亦無懼色匪義之不
害也爲人排難解紛不留餘力一方肅奉儀型年近八
旬終

劉成德字化雨劄貢生居心正直事親以孝聞篤學不倦
教子有方道光中重修元帝廟泡橋以紹先業子四長
象鼎食廩餼次象山邑庠生三象寅從九品四象珍武
庠生孫佑賢邑庠生皆克繼家聲壽八十二終

劉樹德字滋軒武庠生品行端方人不敢干以非義事母

豐縣志

卷九

人物類上

十

孝兄弟析產多所推讓精武技後進中式多出其門大
澤門外舊有元帝廟泡橋咸豐初橋圯廟焚樹德曰此
吾先祖所創建也何忍坐視同治八年倡義重修四旬
日昏復明能辨蠅頭字人謂眉壽之徵壽八十終子二
長象諧入武庠

王書聲字文揚武庠生邦珍父幼習儒業及長薄功名博
覽醫書和藥濟人尤長於痘疹生平多膽略咸豐八年
皖匪擾豐書聲聞驚奮然率眾禦之竟蹈刃捐軀鄰里
咸爲之惜

史榮勳字翰臣咸豐辛酉拔貢就職直隸州州判文詞高
華書法工妙壽五旬餘終

李著煥字文溥號漢章邑庠生以團練功議敘五品銜賞戴花翎雁行三人分爨後櫻心家計不復治舉子業性淡泊雖饒於財而衣履若寒素與人無爭競心狻悍者欺其文懦或侵侮之不校也咸豐初豐大水伯兄卽世家遣老弱幾斷炊乃復合爨延師教諸姪讀迨年豐業復始更析箸是後皖匪擾倡義築圩圩成避亂者多時苦乏食乃大出新米令酌量分用後有償者莖粒弗受也豐北境毘連山東山東人沿邊掘濠培土築長隄守以禦賊謂之長邊賊不可禦而上游積潦壅遏不得洩豐北之民大困日夜思斷隄以疏水魚台縣民糾衆拒鬪幾不解著煥乃商之邑令王純甫先生會同魚宰稟

豐縣志

卷九

人物類上

五

請上憲開新河支河二道導水入昭陽湖患始息工初興窘於貲復請之王借倉米二百石以廣招募衆遂踴躍不數月河成兩邑享其利壽五十五終子二長奎琳中書科中書次奎璧業儒早逝

韓元良太學生處心忠厚與人無爭家素封好施與鄰里稱貸往往不責其償偶出行適與盜其樹者遇遂迂道過人問之曰恐其驚墜也終年八十有五

趙金壘太學生氣宇和易終年九十八長子泗清邑文生次子泗浚監生並年登大耋五世同堂

劉雲密字化雨例貢生心地樸厚輕財好義咸豐四年粵匪陷城盜蜂起與同鄉議敘經歷銜周漢清千總銜李

冠軍增生殷曉峯等倡結連庄會互相助守解紛爭鄉里獲安及官府諭令修城築砦出資出力不辭勞怨子鴻漸入邑庠學憲王旌以耆德引年匾額

王廷獻以修城功議敘州同銜樸誠忠厚公正無私鄉里稱長者時值匪擾與姪崑山性之倡修土圩戮以甄人資保障北境地勢窪下復約衆挑浚新河備宣洩一方賴以有秋子三枚藻炳皆入邑庠藻食廩餼人以爲積善之報年七十一無疾終

邱又謙字容甫由州同効力漕帥吳轅下蒙委督修清江城工竣復防堵宿遷之牛馬庄積功至候補通判賞戴藍翎分發直隸以疾終於寓所

豐縣志

卷九

人物類上

十三

袁大本字立安武庠援例授千總銜急公好義道光七年邑侯朱興修書院慨捐制錢一千串閭邑踴躍巨工立辦

袁岍太學生大本子道光十二年捐制錢一千串倡修文廟邑侯王公欲爲具詳請獎固辭其爲義不伐若此劉全忠字克恭勤儉起家重然諾不苟取與乾隆二十年歲饑出穀數十石贍鄉里人至今稱之

張效貞字幹一沈靜寡言不輕然諾居家孝友處衆和平有談人過者緘口不答咸豐元年歲饑傾家貲以周貧乏邑人推盛德焉弟效端品誼相若

劉彬字班若郡庠生砥行澡躬勵學尤篤夜卧踈曲一木

甃枕擣衣石刻厲有過於編蒲囊螢者鄰婦姑亡無以
葬哭於路立助以棺因盡伐其村外樹爲棺以施貧乏
臨終前一夕彙券之未償者悉焚之鄉里多感效焉
劉培豐字薌坪號蕉衫邑增生品端學優望重鄉里授徒
於家多所成就立齋王明府倡修文廟襄事特殷著有
紅雪書屋詩集年五十九無疾終鄉里私諡孝貞先生
劉玉成字公美性至孝溫厚和平一生無忿厲色遇人以
誠自奉以儉而施予不吝鄉黨推長者 覃恩詔賜粟
帛壽八十三歲終子二長德明業儒次德峻邑廩膳生
馬百俊字軼明端方正直不苟取與兄弟間友愛尤篤鄉
里重其行義公爲上請學使獎以耆德引年匾額

豐縣志

卷九

人物類上

十三

李滋生幼習技擊弱冠從邱軍門安邦勦黑山砦土匪先
登陷陣以功補把總加千總銜復攻拔卞塘寨賊平蒙
保以千總儘先補用加守備銜賞戴藍翎後隨劉省三
官保勦賊山東蒙保免補千總遇缺儘先守備加都司
銜年五十九疾終於家

皇甫義字載五邑南關處士好節義敦禮讓所至市無爭
者咸豐初捻匪攻城率眾守東門城陷賊脅之降不屈
遂遇害

李功禹字錫九太學生性豪爽負氣節一鄉推保障咸豐
戊午八月幸鄉人避亂入城賊至助守南門城破與子
逢燾逢春逢年俱力戰死

渠養翮字漸磐邑增生工書法尤善尺牘好義舉修文廟
書院皆輸貲贊董其事不避勞怨知府周聽松先生以
本立道生旌其門邑人公舉孝廉方正以縣詳後期見
遺制府孫公獎以德洽桑梓匾額沒之日債家積欠兩
千餘金招貧乏者皆對焚其券

渠天嘉字會齋廩貢生工楷書遠近碑板多其手迹事親
委曲承志與弟析產不計多寡性汎愛親族中不能喪
葬者輸資助之不責償焉晚年課子弟耕讀不與外事
暇則伏案作書

單燦斗字星垣邑庠生博通經史誘掖後進無倦容從遊
者多室不能容眾代拓之課徒之餘養魚蒔菊神志洒

豐縣志

卷九

人物類上

四

然不知有門外事

渠天一字光衢太學生謹樸重義設塾延師親族中有才
行者招之學束脩薪水紙筆之費皆代備焉咸豐己未
皖匪迭擾眾議築砦獨輸金三千餘兩田二百餘畝保
全一方匪平砦務付從姪錫麟自課三子爾襄讀書入
庠食餼聲振一時

渠叔達字坦坡增監生勵志讀書九試不第遂輟舉子業
潛心經術精相法偶言皆奇中然不輕爲人相以爲曲
藝小術無關大雅也著有四書析疑詩經探源吟風軒
詩草

黃殿魁字依廷輕財重義與孤姪析產悉以膏腴與之濟

人急屢空弗計也子永泮性篤孝母喪淚盡繼以血目
因失明

師正品字端誼歲貢生學問淵通德行純粹事繼母以孝
聞授徒四十餘年膠庠半出其門蔣太史兆鯤廼甥也
聲振詞林承訓勉之力居多邑侯立齋王公倡修文廟
鳩工庇材命督理其事與人接神色冲和詞氣謹嚴士
林咸欽佩焉壽八十四終

常丕良字蘊元廩貢生品端學正家甚貧館穀自給授徒
四十餘年多所成就非公事不履公庭

史夢松字蔭 號蔗坪邑增生性孝友樂善好施持家勤
儉以詩禮裕後昆姪星垣文勇長子贊勳俱名著膠庠

豐縣志

卷九

人物類上

五

次子策勳道光丁酉科武舉三子著勳善畫工詩四子
榮勳同治辛酉科拔貢皆庭訓也壽六十終

蔣兆達字達夫道光己酉科拔貢生性倜儻不羈學博才
高工楷書善詞賦朝考報罷就職直隸州州判壽五十
三終

李滋謹性强直於咸豐九年督辦鄉團矢慎矢勤勞怨不
辭十餘年以功保授六品銜壽七十六終

韓在昇太學生志高潔不務功名子元魁從九品孫印香
歲貢候選訓導家居以教授終

王光馨字馥遠邑庠生孝友持躬耕讀訓子次子守謚三
子守謙俱入邑庠人推詩書望族

王炯字春暄太學生父母沒兄弟同居舉家百口四十餘年無間言子贊勳孫榮芝並列膠庠家亦饒裕而恂恂儒雅不失詩書本色

王秀升字傑士邑庠生工書善繪事杜門自怡人罕見者兼精堪輿家言亦未嘗輕爲人道也

袁廷一號同甫增貢生以軍功議敘五品銜急公好義任事慷慨咸豐九年邑令陳議於四門添築月城廷一獨捐修南月城一座刻期報竣嗣上憲諭飭各鄉築立堡寨聞諭卽於本村度地興工鄰里附從者六十餘村三閱月工畢牆高濠深屹然一方保障壽八十二終

袁宗山字擬斗郡庠生孝友傳家寬和接物值凶歎力拯家眾入砦不及賊馬繞之過若弗見者竟得入人咸以爲積德之報子鳴霄邑庠生績學能文惜早逝

于隆萬邑庠生成豐八年八月皖匪至率練勇入城助守城陷殉難年七十有五

孫配甫字淑畹品行端方力學未售家居以孝友聞弟鼎邑庠生姪聖揆恩貢生皆所教也尤善畫蘭人得片紙如拱璧壽九十二終

孫長泰字永舒州同銜兄弟五世同居樂善好施周貧乏無吝色修巖宮書院皆首先倡捐克成善舉家巨富以儉約教後昆長子壽山入文庠次瀛山入武庠孫蕙田

中己亥科武舉年登大耋以壽考終道憲顏獎以德邵
修齡匾額

史硯田字端溪附貢生性孝友急公好義興書院修河橋
皆身親其事不惜財不辭勞與妻仇氏俱年登大耋著
有訓後錄至今親族奉爲矜式云

黃永乾家貧嗜學雖老弗倦年七十餘入邑庠鄰里爭訟
必力爲排解所至釋然道光丙午鄉試蒙 恩賜副貢
生壽八十餘終

黃維周太學生素負氣節咸豐八年十一月皖匪至糾合
鄉里壯丁迎戰眾寡不敵爲賊所得憤罵不屈遂與李
高岸李文廷王有恒同遇難

豐縣志

卷九

人物類上

七

列傳

李爲成幼勇健皖匪起隨蒙古副都統伊勒賊淮徐積功
至儘先守備賞戴藍翎疾終於家

魏永年邑庠生練百父性純篤咸豐八年八月皖匪圍攻
縣城永年登陴助守城陷揮刃力鬪遂遇害

周逢昌字運隆邑廩生天性孝友制行端方教授不專務
文字言動必遵禮法弟逢華歲貢生學富才高士林推
重子兆吉增廣生孫天秩廩膳生皆授徒爲業一時被
陶成者指不勝屈世居城市足跡未嘗入公門曾孫文
煥現已早年遊泮詩書世澤人卜其綿遠

王仲堯字殿臣性骨鯁人不敢干以非義三歲失怙家貧
母韓氏以紡織供束脩督令向學每應試輒前列適河

決寇警徐郡停歲科試者十年遂置文藝以督辦城工
議敘六品銜是後業漸充志益奮延師教子寢饋不廢
詩書三子文炳早年遊泮

尹照書字藜光邑庠生咸豐初皖匪起擾華山築圩保衛
一方賊平議敘六品銜年八十七終

張瑾字朝璧太學生疏財好義修文廟書院皆出重貲襄
事排難解紛一鄉推長者既歿泗上朱錫筠題其墓曰
清癯骨相澹遠襟期風塵不概見也

滿清彥邑儒士咸豐八年八月皖匪擾與弟清亮因母老
不能遠逃登城助守城陷並殉焉嗣蒙上憲獎給移孝
作忠匾額事載郡志入祀忠義祠

豐縣志

卷九

人物類上

六

渠元智字臨軒候選州同性孝友與諸兄析產多所推讓
勤儉持家忠厚待物咸豐中皖匪擾出重貲練勇築圩
保障一方子逢溶候選守禦所千總以捐助軍餉賞戴
藍翎長孫景岳附貢生次孫景崑同治丁卯武舉人推
元智陰德之報年六十九終
爲一方人望年七十餘卒

崔勤字崇學號強恕輝縣丞輔政子也由增廣生援例入
成均父卒於官言及輒流涕家居四十餘年略無仕進
意日與子弟研究經史年六十六終

崔勸字崇化號鏡泉宛平縣丞南溟父也喜讀書性孝友

合邑有鄉飲賓之舉弗受年六十三終

崔陳常字維道素稱善人遇荒年輸財助贖或自忍飢而不責債人以爲名稱其實

王懷瀛字夢仙職員品行端方器宇恢宏鄰族重之

渠延齡字彭甲武庠生慷慨好義遇紛爭力爲排解無不服者壽八十餘終學憲楊獎以耆德引年匾額

王士軒邑廩生植品端方嗜學無厭貧乏不能自給從師之日每當飯時常向田間採蔬而食其篤志於學一鄉咸嘉賞焉

顏懷廉字公讓慷慨好義貞氣節與鄉人處不輕假辭色子三女二年二十九妻歿不復娶性好施遇困頓者輒

豐縣志

卷九

人物類上

十九

傾囊相助咸豐七年饑出積米減價平糶鄉里德之鄉里有爭競片語解紛雖盜夫亦悚聽壽八十六終時曾孫承緒己食廩餼道承入邑庠議者謂盛德所致云

侯金章字星燦號柳塘居士太學生志修父也好讀書端方有古風尤好獎勵後進聰明者親教之貧乏者資給之持家嚴整有法雖三歲童穉不敢嬉戲於前壽八十三歲妻王氏故乃謂其子曰汝母亡吾亦不久待矣踰八日整衣卧中堂無疾而終里人傳爲仙去云

顏懷方字聲遠太學生文庠錫爵父武庠振起祖也廉潔自持與人無競遇有爭訟必力爲排解或委託則盡心如已事晚與廩生陳學宓族兄懷廉結三老社以娛暮

年壽八十一終曾孫丕承復早掇芹香議者謂其培植獨深云

侯榮華字耀堂邑庠生王階祖也性情純厚氣宇恢宏嘗以耿介廉讓訓子紹淵入國學後遂與家悉賴貽謀之善咸豐間奉公辦米賑飢河防司務城工宣力管理火藥倡修廟宇邑令嘉其義授五品銜辭曰分所應然何賞爲人益信爲長者壽八十二終督學王賜匾旌表

王振海字滙川幼力學屢試不第曠達不羈日與二三知己詩書相娛室屢空晏如也壽八十一終督學楊旌以耆德堪嘉匾額

陳學宓字步齊號安菴邑廩生性志剛方博學能文雅好

豐縣志

卷九

人物類上

三

鼓詞讀書暇時撫板高歌有唱大江東去之概晚以教讀爲業桃李滿門長子建五弱冠入庠終年六旬

顏錫爵字志成邑庠生懷方次子性情端方氣宇威嚴然諾不苟廉潔有父風咸豐間皖匪突至團練西北方守城日夜弗懈邑令嘉其義鄉里咸稱長者終年六旬子振起武庠生克成祖父之志以孝謹聞

王長清邑庠生性情純厚嗜學不厭工楷書尤善行草終年六旬子振遷亦好學屢試未售壽七十八終

侯志芳字潤滋邑增生志氣恢宏不輕然諾見爭訟必力爲排解族鄰咸欽服焉年六十終

孫高嶺字梅岑忍讓自持與人無競處家有公藝風鄉里

咸效法焉長子明啟性端方孫潤芳潤身皆弱冠入庠
議者謂忠厚之報終年七十督學以匾額獎

潘朝選字清源邑增生性端謹爲親鄰排難解紛同治間
皖匪熾 親王僧南征糧道澀滯選解送糧草於宿州
蒙城等處往返數月艱險備嘗捷後蒙 恩議敘候選
訓導年八十六終

王儒修字席珍武庠生性忠直鄉里咸欽門下占武科者
頗多弟慊修幼食廩餼子南軒文生安善武舉性善全
善孫衍文衍吉俱武庠卒年八十有三一門雍雍人稱
盛事

王桂枝字梅嶺國學生遇事勤奮勞庠不辭咸豐同治間

豐縣志

卷九

人物類上

三

皖匪擾亂團練鄉兵爲一方保障至修城工造泡河橋
與力尤多遠近蒙其利今猶頌思焉

劉崇勤字補拙掄才次子六歲出嗣他房貧且有嘔血疾
四十後疾增劇日夜宛轉牀褥間生母病篤泣日居恒
無以供旨甘病又不能備湯藥何爲人子遂潛割股肉
進母母啖少許不能咽其胞兄持以奉父肉所從來俱
不知也未幾母漸瘳而崇勤股創頓發痛極而呻父兄
詢知皆痛哭意其病不起矣久之母痊崇勤亦徐徐瘥
起侍色笑者復十年鄰里欽其孝感共請於官賜孝行
堪嘉匾額旌其門

劉宗漢字源遠號眠雲武庠生性孝友工書法一生兩修

族譜具稿繕寫皆獨任之善飲能詩里黨往來欣欣然
壽七十六終

劉岱嶺字崇巖性剛直輕財好義每傾囊助貧乏與人接
表裏洞然胸無城府咸豐中皖匪熾約眾倡修永固砦
保障一方揮數千金無吝色現年九十有七矍鑠猶昔
咸推人瑞

劉培倫字敦典太學生性孝友勤儉起家拓田七千餘畝
好施濟鄉里貧乏多倚賴之咸豐八年皖匪北擾與堂
兄雲門倡修治安砦出貲數千金鄉里賴以無恐咸感
頌焉

顧劍峯邑增生品行端方篤於孝友好讀書經史淹通列
門牆者多績學勵品里黨仰儀型焉

豐縣志

卷九

人物類上

三二 列傳

皇甫霞光廩貢生通經史工詩文試每冠軍鄉闈屢薦後
習岐黃以活人終年七十有二

皇甫琳廩貢生品端學優教讀罔間子姪多列庠序善誘
故也卒年七十有二

岳邦俊字士英事父至孝寢食不離左右及父歿哀毀骨
立歲餘始杖而步且負性慷慨鄉里有以艱難告者無
不應年七十六終

皇甫新太學生 乾隆五十一年歲大飢稟請邑宰設糧
以濟飢民被其澤者數千家

皇甫萬邦以兵備道承差任高苑縣主簿解組歸無輜重

好善樂施年七十終

皇甫嘉言以吏任壽州倉達士再任象山縣石浦鎮巡檢
司致仕歸年九十終

皇甫嘉行以吏任江油縣主簿陞成都府經歷未赴任卒
妻劉氏數千里扶柩歸葬

方展英字燦三急公好義嗜學尊師年雖衰眠起必視塾
師未嘗或先後子曉亭邑庠生孫俊升歲貢生候選訓
導八旬後鄰里紳耆製錦稱祝公舉鄉飲介賓壽九十
七終

方曉亭邑庠生品端學邃家塾課子弟文章以先正爲宗
不務時趨從學之士貧不能具束脩或反周其衣食志

豐縣志

卷九

人物類上

三

趣高尚儒學李勸赴鄉試勉強一往其子俊升入泮食
餼終爲歲貢皆公庭訓之力也以授徒終

李光觀徐州鎮標把總歷任柳園集鄭家集等處以功陞
千總署百善站汛游陞宿州營守備 賞戴藍翎咸豐

三年調赴楊州大營隨將軍琦善勦髮逆每戰先登保
加游擊銜 賞換花翎後隨漕帥福謙及松江提督

和春駐紮晁縣之十里長岡四年三月二十四日遇賊
於合澗之銅陽湖鏖戰二晝夜力竭陣亡奉 旨優卹

誥封昭武將軍晉 封武烈將軍 予雲騎尉世職
入祀昭忠祠

李明模字矩方年十六入武庠歸徐州鎮標屢次以功保

千總 賞戴藍翎隨都統伊興額勦皖匪積功保守備
賞戴花翎歷任靈璧宿州南平宿遷沛縣等汛

吳繼宗字象典幼嗜讀長習武藝以第一人入武庠慨慷
仗義鄉里推重皖匪擾捐資修城蒙議敘營守備銜子
四長雲霽次雲霄三雲靄同入武庠四雲雷廩膳生員
方先進咸豐八年八月皖匪陷城率眾守陴與賊戰力竭
遇害

李鳳漢武庠生安邦父也咸豐八年八月皖匪大至鳳漢
率眾與賊戰力竭遇害

李品一字俊詣孝友好善每懸學吃廡匾遇歲饑輒以餘
糧分濟鄰里施棺木長子玉樹入國學次子寶書爲歲

豐縣志

卷九

人物類上

三

貢寶珪亦入國學皆其報也年七十五終

李正則庠生成豐八年八月皖匪陷城遇害

路玉田字耕齋性剛直人不敢干以私遇有爭訟必力爲
勸止鄉里敬重之終年八十有四督學溥獎給匾額

渠承運字子受 恩貢儀九弟也性豪放成童後肆力於
學律詩古體一學卽佳師事沛邑選貢朱輯五輯五深
賞識不惜逢人說項每推其警句叠出雖騷壇名宿不
能道惟不喜時藝兩應試未售著青蓑詩集其友劉樸
園爲之付梓年廿五歿歿之日士林無不垂涕以爲詩
人中砥柱摧崩云

孫璧字星文卽補兵馬司副指揮性恬澹喜吟咏生平不

茹葷飲酒尤好施予親族貧乏者賙恤之楮莊集舊有
清涼庵禪院不惜重貲獨力捐修有烈婦賈瑞鴻之妻
侯氏夫死自經貧不能殮倡捐助葬立碑以彰其節且
放生惜字尋埋遺骸晚精青烏術延請者多概不受謝
年八旬終子鍇早亡嗣孫隆照入文庠

孫劍峯字蘊華捐職從九品慷慨有爲咸豐中皖匪熾民
不聊生竭資築圩保全甚眾遇有合縣公事無不爭先
恐後親鄰紛爭所至立解至修宗祠續族譜義舉尤多
卒年七十有五

劉培豫字雲門太學生性鯁介氣嚴肅人不敢干以私因
母年高與弟培臨析居復合事無大小一身任之擴地

豐縣志

卷九

人物上

三

二千餘畝自奉甚儉而性愛施濟咸豐中皖逆北擾首
議結寨費金數萬不少吝一方賴以保全培臨字照甫
性友愛足不入城市月夕花晨恒置酒爲兄捧觴自頭
兄弟怡怡如也卒皆八十餘歲子孫多列膠庠人以爲
積德之報

孫進基字擴亭例授登仕郎存心忠厚好行其德親鄰有
不能婚喪者恒周之又嘗出資助人就學迄於有成施
益廣家益豐孫明照念先皆入文庠壽九十終人謂積
善之報

渠逢泌字蘊樂例授登仕郎輕財好義兄弟析產尤多推
讓徐鑄亭先生謂有古賢人風晚益務耕讀雅好朱子

格言嘗日誦以示子孫壽六十九終子四長景星太學生克承父志家聲丕振卒年六十有三孫運增入邑庠食廩餼

李杭字鑑亭號葦塘晚號雲舫由例貢生授員外郎試政工部都水司即真刑部遷郎中外擢知府典浙江台州四川保甯廣西柳州鎮安四郡攝右江巡道初轉刑部善決獄敏達公其大父行也一時都中有少敏達之目後歷任巖郡皆以能稱事詳墓誌壽六十三卒於家李著勲字翼之杭長子幼聰慧八歲入塾讀書目數行下試爲詩出語驚人顧不喜帖括之學以爲不能自吐胸次卷舒自如一應童子試遂舍去援例得知縣需次廣

豐縣志

卷九

人物上

三

西攝恭城恭城俗好訟乃取其健者曝烈日中徐折以詞遂惛服周楊兩生爭田上控十餘年不休其實縮怨非盡關田也解以片言冰釋縣署臨社神祠嘗有句云幸饒者點如水在敢與陰官作比鄰蓋家雖素封而能清操自勵若此四年政通人和將卽真疾發卒於官舍年三十有三聞者咸悼惜焉

孫光奎字星五邑廩生天姿英邁遇事急公好義先世素封及奎中落有三世喪未葬且祖母年邁諸叔父艱於供奉奎獨任之送往事生皆盡禮依外家教讀爲業邑中知名士多出其門詩文俱豪放不羈不意中年遽赴玉樓聞者惜之次子又東入庠

董厚恩字錫臣歲貢生好誦讀品學兼優著萱吟詩草數卷咸豐初避水設帳單邑桃李盈門與單名士劉擴之往來贈答爲文字交同治中倡浚義河居民獲利晚歲陶情詩酒有莫謂殘年無樂境作詩飲酒抱孫兒之句年七十五卒子廷勳入文庠

李玠若原名士重郡增生爲人公正鄉里紛爭所至立解爲一方望壯年教讀兼理農業擴田兩千畝道光十三年春大飢出粟數百石減價售貧乏者周恤之耕讀傳家孫曾滿前蘭桂林立至今稱盛焉年七十七以壽終孫琚字孟孚號雲墅由庠生援例入貢納粟爲兵馬司正指揮嘉慶十六年補授北城缺聰敏過人遇疑難案上

豐縣志

卷九

人物上

三

官多委琚琚悉心推察無不得實後選授雲南新興州又歷署陸涼江川等處所至有惠政道光元年題補昆陽州深得民心俸滿解任奉委起運京銅繼琚守昆者爲周姓失民心九年仍回本任昆民遮道懽呼有孫父重來天有眼周郎不去地無皮之聯十年調補雲州十二年署澂江府篆次年復回雲州雲處萬山中爲中華絕域搖鐘雜處號稱難治琚披肝瀝胆拊循以誠民皆感服十七年署理中甸同知又署甯州十九年奉文入省猝得中風疾卒於滇南寓所年六十有三時囊橐空虛未能北歸延至二十六年中丞垂憐寄銀數百兩長子銜扶柩旋里琚家素封既貴生產日落祿入不贍其

明斷清廉如此

馬質性情謙讓雖少讀詩書而動合禮法壽百有五歲其妻壽百有十歲子廉義現年八旬餘強健猶昔一門壽考世所罕聞

岳寶瑾字封叔讀書穎悟於前人傳註外別有心得弱冠游庠遂食餼性鯁直遇事敢前以學校公憤黜衣頂雖在囹圄吟咏不少懈每謂讀書爲身心性命事外來禍福無與也後在銅山解散某團伏莽保軍職辭不受當事者上其功復附生於同治甲子南闈中式遇後學講論不衰生平著述惜多散佚未能成帙云

蔣德璟字孚徵號如農選拔貢生候選直隸州州判生有

豐縣志

卷九

人物上

三

至性聰穎過人七齡而孤擗踊號泣若成人既就傳日誦千言年二十六入邑庠食廩餼道光乙酉以拔萃入貢廷試報罷遂家居養母不復進取時爲鄉里排難解紛獎掖後進賴以成立者尤衆四川王明府立齋與同年涖豐訪以利病卽條陳時務數千言王公遺愛至今謳思德璟與有力焉 文廟地邑宰集合邑議重修衆共推薦遂不辭勞怨董其事未及期鉅工告竣嗣以長子兆鯤 欽簡東河卽用知府遇缺卽補道員特邀

覃恩 誥封中憲大夫

蔣兆鯤字瀚槎號南溟一號茗仙德璟長子也性穎異讀書一過不忘弱冠入邑庠年二十三中萃科鄉試未售

遂負笈入都受業於先達季公芝昌呂公賢基之門膏
晷無間者十年道光丙午應順天鄉試中式丁未聯捷
南宮與館選適德璟來京臨省遭疾不起遂歸里營葬
泣血盡哀廬墓三年服闋入都散館授編修纂國
史與修

宣宗實錄 欽簡東河卽用知府遇缺以道員卽補宣力工
次經年未遑歸省旋聞母病卽日歸一日夜馳五百里
抵家母病已劇未逾月卒以哀毀過度得肺痿疾三年
不瘳遂捐館著有求是室詩存板藏於家

